

**EBAZPENA, 2014KO ABENDUAREN 1EKOA, HERRI ARDURALARITZAREN EUSKAL ERAKUNDEKO ZUZENDARIARENA, HAINBAT LAN-POLTSA HANDIAGOTZEKO HAUTAKETA-PROZESUETARAKO DEIA EGITEN DUENA.**

Euskal Autonomia Erkidegoko Administrazio Orokorrak, honako lan poltsak handiagotu behar ditu:

Administrazioko Goi-mailako kidegoa.  
Goi-mailako Teknikarien Kidegoa: Zuzenbidean Lizentziatua Aukera.  
Goi-mailako Teknikarien Kidegoa: Ekonomi Zientzietan Lizentziatua Aukera.  
Goi-mailako Teknikarien Kidegoa: Epidemiologia Eskala.  
Emakume eta gizonen arteko berdintasun arloko Teknikaria.  
Goi-mailako Teknikarien Kidegoa: Arkitektura Aukera.  
Zumarragako Ibaiondo Heziketa-zentroko Hezitzaileak.  
Goi-mailako Teknikarien Kidegoa: Hizkuntza Normalkuntzarako Eskala.  
Goi-mailako Teknikarien Kidegoa: Itzultzailea Eskala.

Eusko Jaurlaritzaren Kontseiluak 2006ko maiatzaren 30ean hartutako Akordioaren arabera, Euskal Autonomia Erkidegoko Administrazio Orokorrean sortzen diren bitarteko edo aldi baterako premiei aurre egiteko, kasuan kasuko lanpostuetako langile-zerrendak erabiliko dira, eta zerrenda horiek nahikoak ez badira, Herri Arduralaritzaren Euskal Erakundeak hautaketa-prozesuetarako deia egin beharko du.

Halaber, Akordioak ezartzen duenez, hautaketa-prozesu horiek komunikabideetan nahiz IVAPen web orrian iragarri behar dira, eta hautaketa prozesuok, gutxienez gaitasun-proba bat edo gehiago izango dute. Merituak ere baloratu ahal izango dira, beti ere alde aurretik ezarritako baremo baten arabera.

Funtzio Publikoaren Zuzendaritzak kudeatzen dituen langile-zerrendetan goian aipatutako Lan-Poltza hoietako ezaugarriak dituen inor libre ez dagoenez, zuzendaritza horrek eskatuta, Herri Arduralaritzaren Euskal Erakundeak lanpostu horiek betetzeko hautaketa-prozesu espezifikorako deia egin behar du.

Goi Mailako Hezkuntzaren Europako Esparruak unibertsitate-tituluen sisteman eragin dituen aldaketak direla eta, Funtzio Publikoko sailburuordearen ebazpen baten bidez, deitutako lan-poltsetara sarbidea ematen duten titulazioen eguneratzea egin da, gaur egungo unibertsitate-sistemako Gradu-mailako titulazio berriak ere kontutan hartzeko. Ebazpen horren I Eranskinean aipatzen dira lan-poltza bakoitzera sartzeko baliozkoak diren titulazio bakarrak.

Horrela, bada, Funtzio Publikoaren Zuzendaritzaren txostena egin dagoela, honako hau

**EBATZI DUT:**

Artikulu bakarra. Euskal Autonomia Erkidegoko Administrazio Orokorrean ondorengo Lan-Poltsak handitzeko hautaketa-prozesuetarako deia egitea. Deialdiaren berri emateko, iragarkiak jarriko dira komunikabideetan, deialdiak arautzen dituzten eta Ebazpen honen eranskinean azaltzen diren oinarrien arabera.

Administrazioiko Goi-mailako kidegoa.  
Goi-mailako Teknikarien Kidegoa: Zuzenbidean Lizentziatua Aukera.  
Goi-mailako Teknikarien Kidegoa: Ekonomi Zientzietan Lizentziatua Aukera.  
Goi-mailako Teknikarien Kidegoa: Epidemiologia Eskala.  
Emakume eta gizonen arteko berdintasun arloko Teknikaria.  
Goi-mailako Teknikarien Kidegoa: Arkitektura Aukera.  
Zumarragako Ibaiondo Heziketa-zentroko Hezitzaileak.  
Goi-mailako Teknikarien Kidegoa: Hizkuntza Normalkuntzarako Eskala.  
Goi-mailako Teknikarien Kidegoa: Itzultzailea Eskala.

Herri-Arduralaritzaren Euskal Erakundeko zuzendariaren Ebazpen honen aurka, gora jotzeko errekurtsua aurkeztu ahal izango zaio Herri Administrazio eta Justizia sailburuari. Errekurtsua jartzeko epea hilabetekoa izango da Ebazpena argitaratzen den hurrengo egunetik kontatzen hasita, hala ezartzen baita Herri Administrazioen Araubide Juridikoaren eta Administrazio Prozedura Erkidearen 30/1992 Legearen 114. artikuluan eta ondokoetan. Errekurtsori ez bazaio ebazpen adierazirik ematen, errekurtsua ezetsitzat joko da.

Vitoria-Gasteiz, 2014ko abenduaren 1a



Maite Iruretagoiena Ibarguren  
IVAPeko zuzendaria



## GOI MAILAKO TEKNIKARIEN KIDEGOKO LAN POLTSA. ARKITEKTURA AUKERA

### LAN-POLTSA OSATUKO DUTENEK BURUTUKO DITUZTEN ZERBITZUEI BURUZKO DATUAK

|                                               |                                                                                                                                                                  |
|-----------------------------------------------|------------------------------------------------------------------------------------------------------------------------------------------------------------------|
| <b>KOKAPEN GEOGRAFIKOA:</b>                   | Autonomia Erkidegoko Administrazio Orokorraren eta bere Erakunde Autonomoen edozein egoitzatan Autonomia Erkidegoko hiru Lurralde Historikoetan.                 |
| <b>ADMINISTRAZIOAREKIKO LOTURA JURIDIKOA:</b> | <ul style="list-style-type: none"> <li>- Aldi baterako lan-kontratua, edo</li> <li>- Bitarteko funtzionarioen izendapena</li> <li>- Ordezte kontratua</li> </ul> |
| <b>GUTXIENeko ORDAINSARIA:</b>                | Urteko 41.495,54 euro gordin                                                                                                                                     |

### LAN-POLTSA HANDITZEKO DEITUTAKO HAUTAKETA-PROZESUAN PARTE HARTZEKO BERARIAZKO BALDINTZAK

|                           |                                                                                                                                                                                                                                                                                                                                                                             |
|---------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>TITULAZIOA:</b>        | Arkitektura<br>Arkitekturako gradua<br>Arkitektura Ikasketetako gradua<br>Arkitektura Oinarrietako gradua<br>Arkitektura eta Hirigintzaren Oinarrietako gradua                                                                                                                                                                                                              |
| <b>BALDINTZA BEREZIAK</b> | Graduako titulazioa dutenek lanbide erregelatu honetan jarduteko gaitasuna ematen dien master titulua ere aurkeztu beharko dute.<br><br>Dokumentazioa hau eskaneatu eta internetetik bidali ahal izango da eskaria egiteko unean edo IVAPeko ordazkaritzetan aurkeztu ahal izango da, beti ere eskariak aurkezteko epearen barruan (abenduaren 19ra arte, egun hori barne). |

## **GOI MAILAKO TEKNIKARIEN KIDEGOKO LAN POLTSA. ARKITEKTURA AUKERA. LAN-POLTSA HANDITZEKO DEIALDIAREN OINARRI OROKORRAK**

### **LEHENENGOA: DEIALDIAREN HELBURUA.-**

Deialdi honen helburua Goi Mailako Teknikarien Kidegoko, Arkitektura aukerako lan poltsa handitzea da, aldi baterako zerbitzuak betetzeko baldintza hauetan:

- a) **Kokapen geografikoa:** Autonomia Erkidegoko Administrazio Orokorraren eta bere Erakunde Autonomoen edozein egoitzatan Autonomia Erkidegoko hiru Lurralde Historikoetan,
- b) **Administrazioarekiko lotura:** Aldi baterako lan-kontratua, ordezte kontratua edo bitarteko funtzionarioen izendapena.
- c) **Gutxieneko ordainsaria:** Urteko 41.495,54 euro gordin.

### **BIGARRENA: HAUTAKETA-PROZESUAN PARTE HARTZEKO BALDINTZAK.**

1.- Hautaketa-prozesuan parte hartzeko baldintza hauek bete beharko dira:

- a) 16 urte betetik eta 65 bete gabe izatea.
- b) Europar Batasuneko estatu bateko naziotasuna edukitzea, edo Europar Batasunak izenpetu eta Espainiako estatuak berretsita nazioarteko itunen arabera langileen joan-etorri askea aplikatzen zaion estatu batekoa izatea.

Halaber, Europar Batasuneko estatuetako naziotasuna dutenen ezkontideek ere parte hartu ahal izango dute, baldin eta Zuzenbidearen arabera banatuta ez badaude, bai eta haien ondorengoek eta ezkontideen ondorengoek ere, baldin eta Zuzenbidearen arabera banatuta ez badaude eta ondorengoak hogeita bat (21) urtetik beherakoak badira edo, adin horretatik gorakoak izanda ere, gurasoen kontura bizi badira.

Gainera, aurreko paragrafoetan aipatu gabeko atzeritarrek ere har dezakete parte, Espainiako estatuan bizi badira. Hautatuak izanez gero, kontratua gauzatu aurretik, kontratuaren xede den jarduera egiteko administrazio-baimena dutela egiaztatu beharko dute. Pertsona hauek lan kontratupekoak bakarrik izan ahalko dira.

- c) Titulazioa: Arkitektura, Arkitekturako gradua, Arkitektura Ikasketetako gradua, Arkitektura Oinarrietako gradua, Arkitektura eta Hirigintzaren Oinarrietako gradua. Graduak titulazioa dutenek titulazio horretaz gain lanbide erregelatutako honetan jarduteko gaitasuna ematen dien master titulua ere beharko dute.
- d) Egin beharreko zerbitzuak burutzea eragotziko duen gaixotasun edo ezintasun fisikorik ez izatea.
- e) Diziplina-espediente batez edozein Herri Administrazio edo Autonomia Erkidegotako organo konstituzional edo estatutarioen zerbitzutik bereizita edo kaleratua ez egotea, ebazpen judizialaren arabera enplegu edo kargu publikorako desgaitasuna erabatekoa edo berezia ez izatea, ezta funtzionarioen kidegoan edo eskalan sartzeko, edo lan-legepekoen kasuan, bereiziak edo desgaituak izan diren

lanpostuko antzerako eginkizunak betetzeko. Beste Estatu bateko nazionala izanez gero, desgaitua edo egoera baliokidean ez egotea, ezta diziiplina-zehapenik edo baliokiderik ez izatea, dagokion Estatuan baldintza berberetan enplegu publikora iristea eragotziko duenik, hain zuzen.

f) Ezintasuneko edo bateraezintasuneko legezko auzian sartuta ez egotea.

2.- Aurreko baldintza guztiak eskabideak aurkezteko epea amaitzen den unean bete beharko dira eta bere horretan mantendu hautaketa-prozesuak iraun bitartean. Hizkuntza eskakizuna, hautaketa prozesuaren diseinuan adierazten den moduan egiaztatu ahal izango dute.

3.- Deialdi honetatik kanpo geratuko dira aurreko deialdien ondorioz Goi Mailako Teknikarien Kidegoko Arkitektura aukerako lan-politsetan sartuta daudenak.

Berariazko deialdi honen ondorioz poltsan sartuko direnak, hautaketa-prozesua amaitzen den unean dagokion lan-poltsan sartuko dira, lan-poltsa osatzen dutenen atzean, zero puntuazioarekin eta hautaketa-prozesuko emaitzen hurrenkeraren arabera, hain zuzen. Puntuazioa urtero barematuko da, berriz ere, lehen hiruhilekoan, EAEko administrazioan eta haren erakunde autonomoetan aldi baterako zerbitzuak emateko langileak hautatzeari buruz Jaurilaritzaren Kontseiluak 2006ko maiatzaren 30ean hartutako akordioak (ekainaren 13ko EHAO) 26. artikuluan ezarritakoa betetze aldera.

## **HIRUGARRENA: ESKABIDEAK.**

### **Eskabideak aurkezteak**

Hautaketa-prozesuetan parte hartu nahi duten pertsonak Internet bidez egin behar izango dute eskaera eta honako helbide elektronikoan eskuragarri duten eredia bete beharko dute: **[www.ivap.euskadi.eus](http://www.ivap.euskadi.eus) (Atala: Enplegu Publikoa, lan poltsak).**

Internet bidezko eskaera Eusko Jaurilaritzako KZGunea zentro publikoen bidez egin ahal izango da. KZGuneen zerrenda eta kokagunea eskuragarri daude honako helbide elektronikoan: **[www.kzgunea.net](http://www.kzgunea.net).**

Eskaerak ondoren adierazitako bulegoetan ere egin ahal izango dira:

Gasteizen:

- Herri Arduralaritzaren Euskal Erakundean; Donostia kalea 1 (Lakua); PK: 01010.

\*Bilbon:

- Herri Arduralaritzaren Euskal Erakundean; Errekalde zumarkalea 18; PK: 48009.

\*Donostian:

- Herri Arduralaritzaren Euskal Erakundean; San Bartolome kalea 28; PK: 20007.

\*Oñatin:

- Herri Arduralaritzaren Euskal Erakundean; Unibertsitate Zaharra; PK: 20560.

Eskabideak eta baldintza bereziak betetzen direla egiztatzeko behar den dokumentazioa aurkez daitezke, halaber, Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legezko 38.4 artikuluan aipatutako lekuetan.

Eskabidea postetxe bidez aurkeztuz gero, irekita eman behar zaio postako funtzionarioari, ziurtatu aurretik data eta zigilua jar diezaion.

## **Tasa ordainketa**

Tasak ordaintzeko bi modu daude:

1. OFF-LINE ordainketa: lehen aipatutako edozein banketxera joan eta sistemak emandako inprimakia aurkeztu.
  - Kutxabank (BBK, Vital, Kutxa).
  - Laboral kutxa.
  - La Caixa.
  - Banco Santander.
  - BBVA.
  - Sabadell Guipuzcoano.
  - Bankia.
  - Bankoa.
2. ON- LINE ordainketa banketxe horietako banka elektronikako bezeroa izanez gero, sistema hori erabil daiteke ordaintzeko. VISA edo MASTERCARD txartelen bidez ere egin daiteke ordainketa.

Tasaren zenbatekoa : **21,80 euro** (A titulazio-taldea: Goi-mailako teknikariak)

Eskabideak entregatzeko eta tasak ordaintzeko epea **2014ko abenduaren 19an** amaituko da.

Hautaketa-prozesuan onartutakoen eta baztertutakoen behin-behineko zerrenda eta ariketaren eguna, tokia eta ordua **2015eko urtarrilaren 20an** argitaratuko da.

## **LAUGARRENA.- KALIFIKAZIO EPAIMAHAIA.**

1.- Honakoak izango dira epaimahai kalifikatzaileko kideak:

- Mahaiburua: dagokion Sailak edo Erakunde Autonomoak proposatuta izendatuko teknikari bat.
- Epaimahaiko kideak: Bi kide, dagokion Sailak edo Erakunde Autonomoak proposatuta izendatuko dira

Herri Arduralaritzaren Euskal Erakundeko Hautaketa Zerbitzuko teknikari batek jardungo du idazkari.

- 2.- Nolanahi ere, epaimahaiak eskatu ahal izango du aholkulariak lan egiteko hautapen-prozesuaren probaren batean edo guztietan, eta horiek dagokien espezialitate teknikoa baizik ez dute egingo.
- 3.- Epaimahaiko kide guztiek hitza eta botoa izango dute, Idazkariak izan ezik, ez baitu botorik eman ahal izango. Epaimahaiaren erabakiak dauden botoen gehiengoak hartuko ditu. Berdinketa egongo balitz, mahaiburu diharduenaren botoak erabakiko du.
- 4.- Epaimahaiko kide bakoitzaren ordezkoez ere osatuko dute epaimahaia eta titularrekin batera izendatu beharko dira. Mahaiburuaren kasuan izan ezik, titularrek duten kualifikazio bera izango dute ordezkoez ere.
- 5.- Epaimahaia ezingo da eratu eta ezingo du jardun Mahaiburua edo Idazkaria (edo haien ordezkoez, kasuan kasu) eta epaimahaikideen erdiak (titularrak edo ordezkoez, berdina dio) bertaratu ez badira.

- 6.- Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeak 28. artikuluan aurreikusitako inguruabarren bat ematen bada, Epaimahaiko kideek ezingo dute esku hartu, hala jakinarazi beharko diote Herri Arduralaritzaren Euskal Erakundeko zuzendariari, eta izangaiek ezetsi ahal izango dituzte.

### **BOSGARRENA.- HAUTAKETA-PROZESUA**

- 1.- Berariazko oinarrietan dago zehaztuta hautaketa-prozesuaren taxutzea.
- 2.- Izangaiek proba ezberdinetan lortutako puntuazioak eta hautaketa-prozesuari buruzko iragarkiak Herri Arduralaritzaren Euskal Erakundearen Gasteiz, Bilbo, Donostia eta Oñatiko egoitzetako iragarki-oholetan jarriko dira, baita Interneten ere ([www.ivap.euskadi.eus](http://www.ivap.euskadi.eus) (**Atala: Enplegu Publikoa, lan poltsak**)).
- 3.- Izangaiei ariketa bakoitzerako deialdi bakarra egingo zaie. Hautaketa-prozesuko probetan tratu eta aukera berdintasuna bermatzearren, epaimahaiak proben deialdien ezaugarriak moldatu ahal izango ditu proba egingo den tokira bertaratzeko ezintasuna adierazten duten pertsonen kasuan, bai haurdunaldiagatik, bai erditzeko zorian egoteagatik bai susperraldi egoeran egoteagatik edo epaimahaiak askatasunez baloratuko dituen beste osasun aragozpen larriengatik, beti ere, inguruabar hori epaimahaiari jakinarazten bazaio alde zuzenetik eta sendagile-agiriaren bidez kreditatzen bada.
- 4.- Epaimahaiak ariketak egiteko denbora eta baliabideak egokituko dizkiete egokitzapenak behar dituzten eta eskabidean hala adierazi dutenei, gainontzeko parte-hartzaileen aukera berberak izan ditzaten, betiere hori eginda probaren edukia desitxuratzeko ez bada eta eskatutako gaitasun-maila jaisten edo kaltetzen ez bada.
- 5.- Hautapen-prozesuaren edozein unetan epaimahaiak izangairen batek deialdiko baldintza guztiak betetzen ez dituela jakinez gero, izangai hori baztertuko da, entzunaldia egin ondoren, eta egun berean horren berri emango zaio Herri Arduralaritzaren Euskal Erakundeko Zuzendariari.
- 6.- Izangaien hautapena, hautaketa-prozesuaren diseinuan ezartzen denaren arabera egingo da.
- 7.- Saillapen-ordena oposaketa-faseko ariketa bakoitzean lortutako puntuazioen eta euskara proben puntuazioen baturaren arabera egingo da.

### **SEIGARRENA.- EPAIMAHAIAREN PROPOSAMENA.**

1. Hautaketa-prozesuko atal ezberdinen kalifikazioa amaitu ondoren, Epaimahaiak Herri Arduralaritzaren Euskal Erakundeko Zuzendariari jakinaraziko dizkio hautaketa-prozesuko behin-betiko emaitzak. Zuzendariak dagokion ebazpena emango du puntuazio-ordenaren arabera lan-poltsa osatutzat emateko.
2. Ebazpenaren berri Funtzio Publikoaren Zuzendaritzari emango zaio, lan-poltsa osatu dela jakinarazteko. Proposamenean, baztertze-ariketak gainditu dituzten izangai guztiak agertuko dira, puntuazio-ordenaren arabera.

### **ZAZPIGARRENA.- GERTAKARIAK.**

1. Epaimahaiak ahalmena du oinarri hauetan ezarrita ez daudenei buruz azaltzen diren zalantzak ebatzi eta hautaketa-prozesua behar bezala burutzeko beharrezko erabakiak hartzeko.

2. Deialdia, bere oinarriak eta oinarriotatik zein Epaimahaiaren jardunetatik datozen administrazio-egintza guztiak aurkatuak izan daitezke, beti ere Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/92 Legeak jasotako kasu eta moduetan.

## **ZORTZIGARRENA.- BALDINTZAK BETETZEN DIRELA EGIAZTATU**

1. Lan-poltsa osatzen dutenek, hautaketa-prozesuan parte-hartzeko 2. Oinarrian eskatutako baldintzak betetzen dituztela egiaztatu beharko dute agiri orijinalen bidez, horrela eskatzen zaienean.
2. Adierazitako epearen barruan, eta ezinbesteko kasuetan izan ezik, lan-poltsa osatzen dutenek ez badute dokumentazioa aurkezten ezingo dira izendatuak edo kontratuak izan, eta haien jardun guztiak baliogabetuta geratuko dira, beren eskabideetan aizunkeria egiteagatik izan dezaketen erantzukizunari kalterik egin gabe

## **BEDERATZIGARRENA.- DATU PERTSONALEN BABESA**

1. Eusko Jaurlaritzako Lehendakariorde eta Ogasun eta Herri Administrazio sailburuaren 2004ko martxoaren 2ko Aginduak arautzen ditu Jaurlaritzako Lehendakariordetzako, Ogasun eta Herri Administrazioako eta bere Erakunde Autonomoetako datu pertsonalei buruzko fitxategiak. Agindu horren arabera, hautaketa-prozesuan bildutako datu pertsonalak Hautaketa-Prozesuak izeneko datu pertsonalen fitxategi automatizatuan sartuko dira. Fitxategi horren xedea da Euskal Autonomia Erkidegoko Administrazio Orokorrean aldi baterako zerbitzuak eskaintzeko langileria-eskariei erantzuteko hautaketa-prozesuak kudeatzea eta jarraipena egitea eta prozesuen berri ematea eskatzen dutenei. Fitxategiaren arduraduna IVAPEko Zuzendaritza da eta datuetara iristeko, datuak zuzentzeko, datuen aurka egiteko eta datuok ezerezteko eskubideak erabiltzeko Herri Arduralaritzaren Euskal Erakundeko Zuzendariarengana jo beharko da: Donostia-San Sebastian,1 - 01010 Vitoria-Gasteiz.
2. EAEko administrazioan eta haren erakunde autonomoetan aldi baterako zerbitzuak emateko langileak hautatzeari buruz Jaurlaritzaren Kontseiluak 2006ko maiatzaren 30ean hartutako akordioaren Hirugarren Xedapen Gehigarrian ezarri bezala, hautaketa-prozesuan zehar erantsitako datuak Funtzio Publikoaren Sailburuordetzako Funtzio Publikoaren Zuzendaritzari laga ahal izango zaizkio, baita hala eskatzen duten Euskal Autonomia Erkidegoko beste herri administrazio batzuei ere. Izangaiek euren datu pertsonalak lagatzea onartzen badute, berariaz eman beharko dute baimena.